

中国书法全集
(三十一)

Zhong Guo Shu Fa Quan Ji

煌程
燁肯



明·祝允明

祝允明(1460—1526),长州(今江苏苏州)人。明代书家。字希哲,号枝山。又署枝山老樵,枝脂生,枝指山人。徐有贞外甥,生而右手枝,因自号枝指生。弘治举人,授兴宁令,迁应天府通判。天资卓越,5岁能写径尺大字,9岁会作诗,博涉群书。年长后以诗文、书法名重当世。精真、行、草、章草,楷书早年学赵孟頫、褚遂良、欧阳询、虞世南,上溯“二王”。草书师李邕、黄庭坚、米芾等。与徐祯卿、唐寅、文征明号称“吴中四才子”。传世名迹有《太湖诗卷》、《箜篌引》、《赤壁赋》、《洛神赋》、《落花诗卷》等。著有《怀星堂集》等。

都察院右副都御史毛公妻前封孺
人韓氏墓誌銘
資善大夫尚書南
京禮部尚書
詔許有疾調
理前戶部左



侍右總中隸府

督

順蘇

郎副

漕

都都運大州前

無

夫府

錫

察御

邵

直知

寶

院史

撰

南

京郎承應通

吏部
中
天水胡纘宗篆
直郎
天府
天
判郡人祝允明書

都察院右副都御史礪菴毛公妻韓
氏先以公初考給事中例受封孺人
公歷中外五遷至今官貴從階升俱
以年格未及受
誥故猶稱孺人重
命也公致政之四年乃以疾卒將葬

其子錫朋以公命介其姊之夫太學
生秦銳奉京兆祝君希哲狀來徵銘
寶久辱公知公之外孫秦汶吾季女
壻也公屬我我其能不諾諸按狀
孺人姓韓氏世為吳人父曰瑄母王
氏孺人生有淑質公考贈給事中桂

軒府君知其賢也為公聘焉筭而來
歸事府君暨何太孺人婦道飭脩期
年舅沒獨奉姑者十年時公游邑
庠志遠功勤孺人日綜生業外裁製
庖饋皆必手出一不以關白曰無擾
公學公得窮研經史博討世用以學

術鳴於江東孺人有與焉既而公起
 進士列給諫歷兩京諸科叅藩山
 東孺人行從居守惟時之宜供饋罔
 缺曰毋撓公守公倏然取成惟公之
 共謹言惠政播敷四方迨長太僕佐
 都臺比謝事里居朝使及郡邑長吏

起居問政者門牽恒滿款餽稠疊
孺人任之曰無侵公頤孺人內德脩
備而逮下一節尤度越可稱述初得
子不育繼頗遲寂陳氏沈氏在貳室
孺人諧婉臨聚如母愛女嘉善而訓
違如女仰傳如黨談之公在京邸

鄰有某曹郎李之婦不子而悍郎納
妾輒斥去一日造孺人言及焉孺人
笑徐謂之曰若不子而更絕它人乎
李氏祀非若殄之而誰殄之若獲罪
於天大矣及今改圖幸有子是李
祀既絕而復延也且得庶而惠養之

長當倍孝於若夫子更益敬愛舍禍
就福其機在斯不早決擇悔將曷遑
李婦默然去他日孺人過李見粲者
侍驚問之則曰此間夫人教而勉
為之者也微夫人言妾幾誤矣起謝
致詞甚情而惻未幾果得子以弗殄

祀歸功孺人語諸人不已於是孺人
子錫匆生甚穎秀孺人愛而能訓時
雖已貴富服食每抑就朴儉曰兒
生順境恐啓侈心以損其福也錫朋
學成而未利於科孺人曰命也誰能
違之若幸而早達乃君子所謂不幸

也及得二季教愛均於錫朋人不知
非母弟者乃若理財尤有殊能居
積生殖往往授成紀綱僕無失策者
家以故豐而性憲施予合古積散之
義凶歲煮粥哺苧給樵掩骼多至不
可紀若婚不能室葬不能藏脩梁治

衢以便行者建浚亭井以濟勞且
暍者則歲有之不以艱大輟劉某死
其妻老莫養於子孺人衣食之且殯
其死養其幼孫女長嫁為人妻社學
師溫某暑月妻死以無棺告予之棺
加以歛具溫大慰過望葬費至形

於詩公嘗邀常熟潘某偕之京課童子業無何潘之家火妻孥來奔孺人授之完室備用安處如復潘還而卒家人對哭謀櫬子冒風雪握空拳夜出將經紀之傍皇數里有舟載一棺問潘先生家者則孺人之遺也乃

克歛顧烈婦俞剔目矢卽養耄姑鞠
孤嬰饘粥屢絕孺人繼餉薪粟期嬰
又死烈婦感傷病劇孺人曰是當大
有以慰其心者不然不生乃舁良
材善壤曰若後事具矣又給鹽醢藥
物諸種曰以養而生烈婦乃起時孺